



"1 MALAYSIA : RAKYAT DIDAHULUKAN, PENCAPAIAN DIUTAMAKAN"

Rujukan Kami : KP(Bkew)(PK)1587/6/A-4/(21)

Tarikh : 14 April 2010

Semua Ketua Jabatan / Bahagian
Semua Pengarah Pelajaran Negeri
Semua Pejabat Pelajaran Daerah
Kementerian Pelajaran Malaysia

Y.Bhg. Datuk / Dato' / Tuan / Puan,

**SURAT PEKELILING KEWANGAN BIL. 3 TAHUN 2010
PINDAAN KEPADA SURAT PEKELILING BIL. 4 TAHUN 2009 MENGENAI
PERATURAN PERJALANAN TUGAS RASMI KE LUAR NEGARA KEMENTERIAN
PELAJARAN MALAYSIA**

1. TUJUAN

Surat Pekeliling Kewangan ini bertujuan untuk meminda perenggan 7 dan 13 Surat Pekeliling Kewangan Bil 4 Tahun 2009 mengenai Peraturan Perjalanan Tugas Rasmi Ke Luar Negara Kementerian Pelajaran Malaysia.

2. LATAR BELAKANG

2.1 Perenggan 7 Surat Pekeliling Kewangan Bil 4 Tahun 2009, telah menetapkan mulai tahun 2009, semua Jabatan/Bahagian dikehendaki mengemukakan senarai cadangan perjalanan tugas rasmi ke luar negara kepada Jabatan/Bahagian yang telah dilantik sebagai Urusetia seperti berikut:

Program	Urusetia
Kursus/Latihan Di Luar Negara bagi Pegawai Skim Perkhidmatan Pendidikan	Bahagian Pendidikan Guru
Kursus/Latihan Di Luar Negara bagi Pegawai Skim Perkhidmatan Bukan Guru	Bahagian Pengurusan Sumber Manusia
Lain-lain Tugas Rasmi selain Kursus/Latihan	Bahagian Kewangan

2.2 Perenggan 13 Surat Pekeliling Kewangan Bil 4 Tahun 2009 telah menetapkan semua permohonan perjalanan tugas rasmi ke luar negara perlu

(Sila catatkan rujukan Kementerian ini bila berhubung)

1

dikemukakan kepada Bahagian Kewangan (Cawangan Bajet) untuk mendapat kelulusan Pegawai Pengawal tidak kurang 14 hari bekerja sebelum tarikh perjalanan.

2.3 Perenggan 8.5 Arahan Pegawai Pengawal Tahun 2010 menetapkan permohonan perjalanan tugas rasmi ke luar negara perlu dikemukakan kepada Bahagian Kewangan (Cawangan Bajet) untuk mendapat kelulusan Pegawai Pengawal tidak kurang 7 hari bekerja sebelum tarikh perjalanan.

3. PINDAAN

Bagi memantapkan peraturan permohonan perjalanan tugas rasmi ke luar negara dan selaras dengan Arahan Pegawai Pengawal, Surat Pekeliling ini meminda perenggan 7 dan 13 Surat Pekeliling Kewangan Bil 4 Tahun 2009 dan digantikan seperti berikut:

3.1 Perenggan baru 7. Surat Pekeliling Kewangan Bil 4 Tahun 2009 hendaklah dibaca seperti berikut:-

“Jabatan/Bahagian dikehendaki mengemukakan senarai cadangan perjalanan tugas rasmi ke luar negara kepada Jabatan/Bahagian yang telah dilantik sebagai Urusetia seperti berikut:

Program	Urusetia
Kursus/Latihan Di Luar Negara bagi Pegawai Skim Perkhidmatan Pendidikan	Bahagian Pendidikan Guru
Kursus/Latihan Di Luar Negara bagi Pegawai Skim Perkhidmatan Bukan Guru	Bahagian Pengurusan Sumber Manusia
Mesyuarat/Persidangan berkala/berjadual di Luar Negara melibatkan Anggota Pentadbiran/Pengurusan Tertinggi dan Pegawai KPM	Bahagian Dasar Hubungan Antarabangsa
Lain-lain Tugas Rasmi selain Kursus/Latihan	Bahagian Kewangan

3.2 Perenggan baru 13. Surat Pekeliling Kewangan Bil 4 Tahun 2009 hendaklah dibaca seperti berikut :-

"Semua permohonan perjalanan tugas rasmi ke luar negara perlu dikemukakan kepada **Bahagian Kewangan (Cawangan Bajet)** untuk mendapat kelulusan Pegawai Pengawal **tidak kurang dari 7 hari bekerja** sebelum tarikh perjalanan".

- 3.4 Mana-mana permohonan rasmi ke luar negara yang tidak mematuhi syarat dan peraturan seperti yang telah ditetapkan oleh Surat Pekeliling Kewangan Bil 4 Tahun 2009 tidak akan diangkat untuk kelulusan Pegawai Pengawal.

4. TARIKH KUATKUASA

Surat Pekeliling ini, berkuat kuasa mulai dari tarikh ia dikeluarkan.

Sekian, terima kasih.

"BERKHIDMAT UNTUK NEGARA"

"TINGKATKAN PRODUKTIVITI KURANGKAN KOS"

Saya yang menurut perintah,


(**HJ. JAMALUDIN BIN YAHAYA**)

Setiausaha Bahagian
Bahagian Kewangan
b.p Ketua Setiausaha
Kementerian Pelajaran Malaysia

s.k :

Ketua Setiausaha Kementerian Pelajaran Malaysia

Ketua Pengarah Pelajaran Malaysia

Semua Timbalan Ketua Setiausaha

Semua Timbalan Ketua Pengarah Pelajaran

Setiausaha Sulit Kepada Y.B Menteri

Setiausaha Sulit Kepada Y.B Timbalan-Timbalan Menteri

Setiausaha Sulit Kepada Setiausaha Parlimen